

## EW NAMOPUNG

A forata me looni takises won amomoon ekkewe pisekin amomo, isols sakau, aean rumwen annut, rentin chitosa me boat; a pwan awora tipisins ese monatiw takises, a ataeno Sopun 1, 5, 9(ewe a forata me ren TSL No. 1-1-13) me 13 me non Itenap 29, me non ewe Pukenapen Annukun Chuuk, me TSL No. 5-103, me pwan ren ekkoch popun.

Epwe pung me ren ewe Legislature-un ewe Muun Chuuk:

Tetten 1. Itenapan. Ei annuk epwe iteni an Chuuk Annukun Takises forun fan 1985.

Tetten 2. Popun. Popun ei annuk ren an epwe forata takises me looni ren an epwe awora moni tonong ren fan iten kaworen met angangen muun mei namot an epwe kawor fan iten aramas.

Tetten 3. Awewen Foos. Ren fan iten ei annuk:

1) "Unprocessed", a wewe ngeni mettochun amomo mei chok ususun me nomw non pusin napanapan esemwo sakoono ren an wor mettoch mei kapach ngeni ika fen keimu seni an epwe asokono ununun ika napanapan seni napanapan me mwan.

2) "Unpackaged", a wewe ngeni metewe epwe amomo ngeni chon kamo ika customer napanapan me aukukun nonnoon esemwo katatiw, ika tukutukutiw non kukunun tukutuuk ren an epwe amomo.

3) "Motor Vehicle", a wewe ngeni ese nifinifin sein sa neman mei pachenong nge esap chok pwan aukuk ngeni, chitosa, toraku, chiip, motorcycle, baas, scooter, toraku watte mei iteni dumptruck, toraku mei iteni flatbed me nukun ekkewe iteer heavy equipment.

4) "Boat", a wewe ngeni ese nifinifin sein neset ren boat mei mwesin me nefon, pwan mei mwesin me nukun ren mwurin, me boat mei akkamara.

5) "Heavy Equipment", a wewe ngeni ekkewe sein neman mei watte pwan chou mei pachenong, nge ese chok pwan aukuk ngeni purutosa, winis ika kureng, sein asosona won aan itan road grader, rora, sein tukotuk itan backhoe, pwan sein tukotuk itan playloader me pwan met sakkun ra nomw non ei tettenin heavy equipment.

6) "Imported", a wewe ngeni angangen atouranong ika chumongunong non Chuuk seni nukun ese pwan nifinifin sakkun anen atononga pisekin amomo.

7) "First Sale", a wewe ngeni akkaewin amomoon pisek mei fis me murin ewe atun a tonong me wareiti Chuuk ekkewe pisekin amomo ir mei takises fan pungun ei annuk.

Tetten 4. Forutan Takisesin Amomo. Iei a foruta ew takises won akkaewin amomoon ekkei tettenin pisekin amomo non Chuuk, chinon chok gasoline me diis, pwan pisekin amomo esemwo forsefan napanapan me ununun seni met napanapan me an wareiti Chuuk, pwan pisekin amomo esemwo katatiw non kukunun kini-kin me pwan kukunun tukutuk ren an epwe amomo, won ekkei aukukun takises:

- 1) Sigar won ukukun ruwe-me-nimu percent-in ewe niwin;
- 2) Supwa won ukukun senis engon-me-nimu ew tukumen ruwe fochun supwa; me
- 3) mettochun amomo meinisin nukun won unungat percent-in niwinin ew me ew ekkewe mettochun amomo.

Tetten 5. Taropwen Aukukun Takises Ngeni Chon Kamo(Customer). Ekkewe chon sopai ika chon aewin amomo ekkewe pisek mei affat non Tetten 4 me non ei Sopun repwe pwar ngeni customers aukukun wesetaan niwinin ewe pisek re amomo pwan ewe aukukun takises epwe kapacheta ngeni, non ei napanap:

- 1) Ewe niwinin pisek pwan ewe takises epwe mak won ewe pisek; ika
- 2) Ewe niwinin pisek me ewe takises epwe makketa pwan pwaeoch ngeni mesen customers ren ewe pisekin amomo; ika
- 3) Ewe risiiten kamo epwe no-ngeni ewe customer epwe affatatiw niwinin ewe pisek pwan ukukun ewe takises e kapacheta.

Tetten 6. Kamotiwen Takisesin Amomo. Ewe takisesiei mei kawor me foruta fan pungun Tetten 4 me non ei Sopun epwe kapacheta non ewe fansoun a fis aewin amomo non Chuuk won ekkewe pisekin amomo mei tonong seni nukun. Meinisin takises mei kapacheta fansoun aewin amomo non nangtamen ew maram epwe kamotiw me ren ewe chon sopai ika chon fori aewin amomo, ngeni ewe Putaen Finance non Chuuk non ika mwen ewe engon-me-nimuwen ranin ewe maram epwe tapweto murin ewe maramen amomo; Nge, ewe Director-un Finance non Chuuk mei pwan tongeni fori me awora fansoun me atun kamotiwen ei takises seni fonuwen nukun ei Truk Lagoon. Takises ese kamotiw non ei fansoun a affatatiw non ei Tetten epwe nomw non tettenin ese fiti pungun annukun kamotiw (delinquent).

Tetten 7. Kamotiwen Takisesin Amomo me Mwen Atun Kamotiw. Ewe chon sopai ika chon aewin amomo ekkewe pisekin amomo mei affatatiw non Tetten 4 me non ei Sopun mei tongeni an epwe finata nein an epwene fen akomwen monatiw meinisin takisesin amomo ururun epwe monatiw fan pungun ei annuk, ika met, nge akkomwen kamotiwen ei takises epwe fis non napanapen met regulations epwe for me katou me ren ewe Putaen Finance.

Tetten 8. Arere Ren Mounon Pisek Mei Takises. Epwe wor arere pwe:

1) Meinisin pisekin amomo ren ekkewe mei affat non Tetten 4 me non ei Sopun mei katonong non Chuuk ren fan iten amomo me ren io-we chon chumong mei wor noun naisenin chumong, ra fen moono ruwanu maram ar tonong non Chuuk, tiwenoon chok ika ewe chon chumong epwe tongeni prufeei pwe resemwo moono iwe ewe Director-un Finance a wesetaan nukunuk pwe esemwo moono; pwan

2) meinisin amomoon ekkewe pisekin amomo mei kuu ewe takises fan pungun ei Sopun repwe chok takises tori an epwe wor pruuf, nge an epwe wor pruuf pwe ewe pisek mei amomo ese kuu ei takises fan pungun ei Sopun epwe an ewe chon sopai sekining.

Tetten 9. Forutan Takisesin Isois Sakau me Mettochun Punaas. Ew takisesin isois ekkewe mettochun punaas non Chuuk iei a foruta won ekkei aukukun:

1) Pio me sakau esemen pwich:

a) non nenien pio ukukun masowan engon-me-ruu fluid ounce ika kisiseni epwe senis ruwe ew rume ika tiin; ika

b) non rume ika tiin ika nenien pio ukukun masowen mei nap seni ruwe fluid ounce epwe senis engon ew kinikinin ruwanu fluid ounce, ika na-fituwen;

2) Sakau mei pwich, epwe fisu chana ew gallon;

3) Wine, epwe ew chana ew gallon; nge ren isoisen win ren fan iten Namanam epwe kepichino seni ei annukun takises.

Tetten 10. Kamotiwen Takisesin Isois Sakau me Mettochun Punaas.

Nefinen nimu ran me murin forunongen non rume ika tiin, ika an tonong me nukun, ekkewe takisesin isois sakau epwe pung ika kamotiw me ren ewe chon isois non Chuuk. Ewe chon isois sakau epwe monatiw ngeni ewe Putaen Finance ewe takises pwan angei sitamen kamotiwen ei takises epwe impwangetiw won ewe tinen ika rumeen sakau. Tinen me rumeen sakau esewor impwang won epwe nomw non tettenin

esemwo kamotiw takises. Ei takises epwe chok kuu ekkewe sakau me mettochun punaas mei katonong ren fan asengsin an epwe amomo me un non Chuuk. Ekkewe sakau mei chok tonong non Chuuk ren an fitato sein uwou pisek nge esap nomw Chuuk pwe aan ewe neni nukun Chuuk esap pwan kuu ei takises. Monien takisesin isois a fen kamotiw won sakau epwe no-ngeni nukun Chuuk epwe niwinsefan ika refund ngeni ewe chon monatiw ewe takises ika pwe a wor pisekin pwarata epwe afata pwe ekkewe sakau ra fen titino ngeni nukun Chuuk, lawe repwe wese-wesen no-ie. Sakau ururun epwe no-ngeni nukun ra chok nonomw non Chuuk repwe tongeni nomw non tettenin ra amomono me pwan fan iten aea me un non Chuuk nupwen a nu-seni ewe engon-me-ruu maram me murin an katonong non Chuuk me forunong non rume ika tiin. Ewe Director-un Finance epwe fori me awora an procedures ren amwokutun me apochokunen ei pekin.

Tetten 11. Takisesin Aean Rumwen Annut. Iei a foruta ew takises won aean rumwen hotel, motel me apartment won engon percent-in ewe niwinin rumw.

Tetten 12. Takisesin Rent-in Chitosa ika Sein Neman. Iei a foruta ew takises ren rent chitosa ika sein neman won engon percent-in ewe niwinin rent.

Tetten 13. Takisesin Saata Boat ika Sein Neset. Iei a foruta ew takisesin saata sein neset ika boat won engon percent-in ewe niwinin saata.

Tetten 14. Kapachetaan me Kamotiwen Takisesin Rentin Rumw, Chitosa me Boat. Meininis ekkewe takises a foruta me ren Tetten 11, 12 me 13 epwe kapacheta non ewe fansoun a rent ew rumwen hotel, motel me apartment, chitosa me boat. Meininis takises mei kapacheta non ewe maram epwe kamotiw ngeni ewe Putaen Finance non ika mwen ewe engon-me-nimuwen ranin ewe maram epwe tapweto murin ewe maramen kapacheta. Ewe Putaen Finance epwe awora naafen fansoun ngeni kamotiwen takises seni nukun ei Truk Lagoon.

Tetten 15. Records. Ewe chon sopai ika chon fori aewin amomo ekkewe pisek mei affat non Tetten 4 me non ei annuk, ekkewe pwan chon aea sopain hotel, motel me apartment, me ekkewe chon aea sopain u-drive me rent chitosa me boat, pwan chon isois sakau me mettochun punaas repwe tumunu me awora rekotun ar angangen amomo pisek, ren rumw, rent chitosa, boat me iteiten me ukukun sakau mei isois, iwe repwe awora ngeni ewe Putaen Finance taropwen me rekotun ekkei, epwe enet me wenechar ika pung me pwan sakkun taropwen affaten me aninnisin pwarataan enletin ekkewe records.

Tetten 16. Taropwen Pisek Won Sepenin me Siip. Meinisn pekin me sein atouragong pisekin amomo mei ineiti me so non Chuuk repwe atoura ngeni ewe Putaen Finance kapiin iteiten taropwen pisek ir mei atouranong non Chuuk seni nukun, esap mang seni fisu ran me murin an ewe kompenien siip ika sepenin a release-ei ekkewe pisekin amomo ngeni menne-ka an.

Tetten 17. Tipisin Puratiw me Atai Annuk.

1) Ion chon sopai ika chon amomo ekkewe tettenin pisekin amomo mei affat me ren Tetten 4 me non ei annuk, chon aea sopain hotel, motel, apartment, sopain u-drive me ren chitosa me boat, chon isois sakau ika mettochun punaas, ese ion i ewe takises mei foruta me ren ei annuk, pwan monatiw non ewe atun kamotiwew takises mei affat me ren ei annuk, epwe kapach ngeni ukukun nimu percent ew maram metewe ukukun esemwo kamotiw.

2) Ion chon sopai ika chon amomo ekkewe tettenin pisekin amomo mei affat me ren Tetten 4 me non ei annuk, chon aea sopain hotel, motel, apartment, sopain u-drive, rent chitosa me boat, chon isois sakau, ese tumunu me awora record mei wenechar, pung me enlet, ese pwan awora ngeni ewe Putaen Finance ekkewe sakkun records fongon me pwan met sakkun taropwen epwe anisi me pwarata enletin ekkewe records, fan pungun Tetten 15 me non ei annuk, epwe tipi-sini tipisin ew misdemeanor, nge ika a punguno pwe a tipis, epwe paking won esap nap seni \$3,000 ew ekkewe kuochen ier mei fis ewe napanapangaw non.

3) Ewe kompenien siip ika sepenin e atai kapasen Tetten 16 me non ei annuk epwe tur non tipisin ew mesdemeanor, nge ika a punguno pwe a tipis epwe paking won esap nap seni \$3,000.

4) Io aramas a tur non tipisin isois sakau takisesin esemwo kamotiw epwe tipis ren kanupus esap nangatam seni ew ier ika paking won esap nap seni \$1,500 ika fen ir me ruu ekkei sakkun tipis.

5) Ion aramas, sopai ika kompany, corporation mei wesewesen sinei, me mochen, a atai pungun ika chipwang fori pungun met regulations mei for me katou me ren ewe Putaen Finance ren apochokunen ei annuk, ika pwe a punguno pwe a tipis, epwe paking won esap nap seni \$500, ika kanupus non esap nap seni tiwe ran, ika ir me ruu. Ekkei Tettenin tipis epwe me nukun met mei affat non Kinikinin-Tetten(1) tori (3) non ei Tetten.

Tetten 18. Puung ren Ekkesiwinin Kamo Ese Mwus(Liens. Takises mei foruta me ren ei annuk a tori atun kamotiw nge ese kamotiw, fongon me met mei pacheta ren pakkingen tipisin ese fori pungun kamotiw epwe nomw non tettenin niwinimang ngeni ewe Muun Chuuk, pwan winiti ew popun an ewe Muun epwe nemenano me wor an pochokun won meinisin pisekin, ese pwan nifinifin ika fonu ika pisek, an ewe sopai, association ika corporation mei tipis ren ewe takises, iwe ekkewe takises me pakking mei tongeni ioi seni angangen takisesi ekkewe pisek me fonu non chok pwan napanapen atawen niwinimang ren amomoonoon fonu ika pisek an ewe chon niwinimang.

Tetten 19. Regulations. Ewe Putaen Finance epwe forata regulations epwe akomwen kapunguno me ren Kepina, ren ioien takises mei foruta me ren ei annuk, nge ekkei regulations epwe pwan akomwen review me ren ewe Legislature, ika ew committee epwe finata ren ena wewe, me mwen an epwe poputa pochokuneer.

Tetten 20. Katonongen Takises non Monienap. Meinisin takises, pakking, me monien niwinin tipis, mei ioi fan pungun ei annuk epwe katonong non ewe Monienapen ewe Muun Chuuk.

Tetten 21. Kapungun Apochokunen Masowen ei Annuk. Met takises mei foruta me kawor fan pungun ei annuk mei pwan tongeni ioi fan pochokunen me pungun an kapung puung ren met kapung mei katonong seni ewe Attorney General non Chuuk fan iten ewe Muun Chuuk ika fen iten ewe Director-un Finance, ika ewe Chief non ewe Division of Revenue. Non ei sakkun angangen kapung, epwe wor och statement non taropwe seni ewe Director-un Finance ika Chief non Division of Revenue epwe affatatiw ukukun ewe takises ururun epwe kamotiw, porausen an esenwo kamotiw, loon-newe mei mumuta an epwe wisen ioni, ena statement a tongeni pisekin pwarata mei naaf an epwe affata pwe mei pung pwe a wor niwinimangen takises ika a tori kamotiw ten takises.

Tetten 22. Apponawa Kamotiw ten Takises.

1) Esap wor emon aramas epwe wor an puung ren an epwe apponawa ika challenge-ini pungun ew takises mei foruta me ren ei annuk, chinoon chok ika ewe aramas a fen akomwen monatiw ewe takises mei wor question won, ngeni ewe nenien kamotiw an ewe Muun Chuuk.

2) Esap wor aramas epwe wor an puung ren opponawa ika challenge-ini pungun ew takises mei foruta me ren ei annuk, chinoon chok ika ewe aramas i wesewesen ewe chon kamotiw takises

mei tongeni kuu feiengawen ewe kamotiw ewe takises.

3) Och fofforon challenge-ini pungun ew takises an ewe Muun Chuuk epwe katonong ngeni Kapung nefinen ew ier me murin fisin ewe osukosuken kamon takises.

Tetten 23. Katano. Chinoon chok ren met a affat fan pungun ewe Savings Clause non ei annuk, Sopun 1, 5, 9(ewe a foruta me ren TSL No. 1-1-13) me 13, non Itenap 29 me non ewe Pukenapen Annukun Chuuk, me TSL No. 5-103 (Excise Tax) iei ra katano.


Tetten 24. Savings Clause(Met Esap Katano).


1) TSL No. 1-1-7, ewe a forata ewe Environmental Improvement Tax me ewe Truk Environmental Protection Agency, mei chok chiwen pochokun me manaw.

2) Ewe Putaen Finance epwe fori meinisin mwokutukut ika napanap mei namot me tufich ren an epwe fis me tawe loien takises murin an a poputa pochokunen ei annuk, ren met pisekin amomo mei kuu pochokunen TSL No. 5-103(Excise Tax), ekkena pisekin amomo mei katonong non Chuuk me murin November 20, 1984, pwan me mwen poputan ei annuk. An chon monatiw takises rese monatiw ar kewe takises mei wor fan pungun ei annuk, epwe ewe popun an ekkewe chon monatiw takises repwe tongeni nomw fan pochokunen ekkewe tipis, pakking me pungun angei pisek ren komusen niwinimangen takises(liense) mei affat non Tetten 11 me lw me non TSL No. 5-103(Excise Tax).

Tetten 25. Katatiwen Pochokunen ei Annuk. Ika och kapasen me kinikinin ei annuk, ika pochokunan won emon aramas ika ngeni och mettoch a punguno pwe a katano pwe mei u-ngeni annuk, iwe metewe nussun me kinikinin ei annuk, fongon me pochokunan won emon aramas ika ngeni och mettoch esap pwan katano, epwe chok pochokun pwan manaw.

Tettèn 26. Poputan Pochokunan. Ei Namopung epwe poputa pochokunan fansoun an a kapunguno me ren ewe Kepina, ika fansoun an a pusin winitì annuk won winikapan.

Sain seni:   
Simeon Innocenti, Speaker  
Truk State Legislature

Annetata seni:   
Datasi Albert, Chief Clerk  
Truk State Legislature

Pwinin maram: August 27, 1985

A kapunguno seni: \_\_\_\_\_  
Erhart Aten, Governor  
Truk State

Pwinin maram: \_\_\_\_\_